

# INFO

BRČKO DISTRIKT  
BOSNE I HERCEGOVINE  
VLADA



БРЧКО ДИСТРИКТ  
БОСНЕ И ХЕРЦЕГОВИНЕ  
ВЛАДА

Oktobar / Studeni / Децембар, 2020. god.



# Здравствени објекти приоритетни за санацију у сврху енергетске ефикасности

Влада Брчко дистрикта БиХ на првом наставку 86. редовне сједнице усвојила је Приједлог одлуке о избору јавних објеката и редослијedu санација у сврху побољшања енергетске учинковитости и смањења ЦО2 емисије у Брчко дистрикту БиХ. На сједници је усаглашено да се првенствено реализују три приоритетна објекта и то: Болница у Брчком, Дом здравља Брчко и Диспанзер за плућне болести.

Укупна вриједност реализације пројекта санације јавних објеката износи 600.000,00 КМ од чега је Ребалансом буџета Брчко дистрикта БиХ за 2020. годину издвојено 500.00,00 КМ и 100.000,00 КМ од стране УНДП-ја.

# Predstavljeno Izvješće Europske komisije vlastima Brčko distrikta BiH

*Mišljenje Europske komisije obvezuje da se krene brže i učinkovitije u reformu javne uprave*

Predstavnica Kancelarije Europske unije u BiH Nataša Malinić dogradonačelniku Brčko distrikta BiH Anti Domiću prezentovala je Izvješće Europske komisije o Bosni i Hercegovini, a koji je dio Paketa proširenja kojeg je Europska komisija donijela zajedno s Ekonomskim i investicijskim planom za Zapadni Balkan.

Ovom prigodom je dogradonačelnik Anto Domić kazao da Mišljenje Europske komisije obvezuje da se krene brže i učinkovitije u reformu javne uprave, koja, kako je naglasio, mora zadovoljavati standarde Europske unije.

On je istaknuo da se na planu borbe protiv korupcije i organiziranog kriminala učinilo jako malo i da se na tom polju u narednom razdoblju mora brzo djelovati kako bi se ekonomski parametri mogli sustići, uspješno prevladala situacija u svezi s epidemijom i uspostavio jedan kvalitetniji ekonomski potencijal u Brčko distriktu BiH.

„Ima i određenih stvari u kojima smo se počeli pomicati s mrtve točke, ali to nije dovoljno. Potrebna je jedna sinergija svih političkih subjekata i svih institucija na prostoru Distrikta da bismo brže djelovali u ključnim segmentima koji će biti prepoznatljivi s pozicije stanovnika Brčko distrikta BiH i Europske komisije te kod sljedećeg ocjenjivanja dobili nešto povoljniju ocjenu. Kada Izvješće detaljno izučimo te precizno utvrđimo ono što nam je preporuka, izraditi ćemo akcijski plan po kojem ćemo se moći kretati u narednom razdoblju kako bi nova Vlada, koja će doći nakon izbora, mogla biti sposobna djelovati i otklanjati nedostatke koji su naznačeni u ovom Izvješću“, kazao je Domić.



# Prezentovan projekat manifestacije „Viteški dani u Palanci”



Glavnom koordinatoru Vlade Brčko distrikta BiH Seadu Šadiću i šefu Službe za turizam Vlade Brčko distrikta BiH Aleksandru Đuriću u Gradskoj vijećnici predsjednik udruženja „Eko Vita” iz Palanke Jasmin Husjenović prezentovao je turističku manifestaciju „Viteški dani u Palanci”.

Šadić je u razgovoru istakao da je projekat značajan za Distrikt i dodao da će se u narednom periodu raditi na polju dodatnog institucionalnog jačanja u oblasti turizma.

„Zahvaljujem se mladoj ekipi iz Palanke koja je inicirala ovu aktivnost i pozivam sve druge koji imaju potrebu da na ovakav i sličan način prezentuju svoje ideje institucijama Distrikta. U ovom projektu suština je i da se svim građanima omogući jedan nov način pružanja naših tradicionalnih preporuka koje mi možemo uraditi u našoj lokalnoj zajednici. Mi kao Vlada u budućnosti ćemo razmotriti da se na neki način sufinsansira i pripomogne razvoj seoskog turizma, odnosno seoskih gazdinstava kako bi ljudi u svojim porodičnim kućama mogli na neki način omogućiti smještaj turistima koji dolaze u Brčko, a ujedno bismo pozvali i sve druge zainteresovane strane kako bi kompletan Distrikt pružio sav svoj turistički potencijal“, kazao je Šadić.

Šef Službe za turizam Vlade Brčko distrikta BiH Aleksandar Đurić kazao je da „Eko Vita“ ovim projektom oživljava baštinu ruralnog područja. „Pored svog izvornog bazičnog bavljenja zaštitom prirode udruženje „Eko Vita“ je osmislio jednu interesantnu manifestaciju koja bi objedinila zaboravljene običaje viteške igre i sl. Ovo je jedna interesantna manifestacija koja može biti uvrštena uz saglasnost resornih odjeljenja i Vlade u program manifestacija Distrikta i na adekvatan način predstavljena publici. Također, ovo je interesantan povod da i ostale lokalne zajednice na sličan način ožive svoju historiju, tradiciju i sl. i sve ono što smatraju da je zaboravljeno te na ovakav način promovišu i predstave ideju Vladi“, kazao je Đurić.

Predsjednik udruženja „Eko Vita“ iz Palanke Jasmin Husjenović kazao je da je manifestacija „Viteški dani u Palanci“ ujedno i buđenje historije srednjovjekovne Bosne koja bi sadržavala i razne aktivnosti kao što je streličarstvo, borbe mačevima i slično.

„Distrikt je bogat takvom baštinom i imamo dosta potencijala za razvoj takvog programa. „Viteški dani u Palanci“ okupili bi relativno veliki broj stanovništava i, u razgovoru s domaćinstvima, pružili bi podršku našim sugrađanima koji su spremni svoje domove ili svoje prostore preuređiti kao u vrijeme srednjovjekovne Bosne. Manifestacija bi sadržavala razne aktivnosti poput streličarstva, borbe mačevima, a ujedno bi se prezentovale i tradicionalne uniforme i nošnje takve grupe ljudi. Svi posjetiocici će moći aktivno da učestvuju i spremni smo upriličiti i razne aktivne programe kao što su obilasci kulturnih spomenika u ostalim lokalnim zajednicama gdje bi obuhvatili veliki dio Brčko distrikta BiH“, kazao je Husjenović te pozvao sva udruženja koja su spremna aktivno učestvovati u ovakvima projektima da se javi.

# Састанак са комесаром Вархељијем



Представници свих нивоа власти у БиХ градоначелник Брчко дистрикта Синиша Милић, предсједавајући Савјета министара БиХ Зоран Тегелтија, предсједник Владе Републике Српске Радован Вишковић и премијер Федерације БиХ Фадил Новалић разговарали су у Сарајеву са комесаром за проширење ЕУ Оливером Вархељијем о Извештају о напретку БиХ и инвестиционо-економској помоћи земљи коју је најавио комесар.

Ријеч је о економском пакету помоћи за Западни Балкан од девет милијарди евра. Градоначелник Синиша Милић оцijенио је важним потврду да би БиХ до љета наредне године, уз испуњавање кључних приоритета из европске агенде, могла добити кандидатски статус за улазак у ЕУ.



# Mališani zamijenili uloge s predstavnicima izvršne vlasti

Dunja Semizović, Lamija Ravkić i Lorena Pavić, mališani iz brčanskih osnovnih škola i vrtića prigodom Dječjeg tjedna u Gradskoj vijećnici zamijenili su uloge s predstavnicima izvršne vlasti.

Mališani su iskorištili prigodu i postavili nekoliko pitanja gradonačelniku Brčko distrikta BiH Siniši Miliću, dogradonačelniku Anti Domiću i predstojniku Odjela za obrazovanje Senadu Osmanoviću u svezi s izgradnjom novih vrtića i školskih dvorana te pitanja u svezi s epidemiološkom situacijom i mjerama koje se odnose na škole. Gradonačelnik je čestitao svim mališanima Dječji tjedan i kazao da je stvaranje uvjeta za normalno odrastanje djece i za normalan život na prostoru Brčko distrikta BiH važno.

„Drago mi je da smo se i kroz ovu aktivnost pridružili svima koji obilježavaju Dječji tjedan. Mi smo u zamijenjenim ulogama našim mališanima ponudili odgovore na postavljena pitanja. Pitanje prostora za vrtiće je akutni problem na prostoru Brčkog i to ćemo ublažiti kada s radom počne novi vrtić na Ilički. Očekujemo da za mjesec dana svi građevinski radovi i opremanje tog vrtića budu završeni i ostaje samo pitanje popunjavanja nastavnim kadrom odnosno odgajateljima. Ista je situacija i sa školskim dvoranama koje se grade. Također je postavljeno i pitanje u svezi s epidemiološkom situacijom i mjerama koje se provode u osnovnim i srednjim školama i vrtićima. Nažalost situacija je takva da smo bili prinudeni protokol o odvijanju nastave prodljiti na još 15 dana i to podrazumijeva sve one mjere koje su već ranije bile na snazi“, kazao je Milić.



Nakon razgovora mališani su pokazali veliko zadovoljstvo što su imali prigodu razgovarati s predstvincima izvršne vlasti i čuti neke odgovore na postavljena pitanja. Pokazali su i želju da jednoga dana postanu gradonačelnici Brčkog. Prijamu za mališane prisustvovala je i Mara Matkić, voditeljica Pododjela za predškolsko i osnovno obrazovanje Vlade Brčko distrikta BiH, koja je istaknula značaj obilježavanja Dječjeg tjedna i važnost izgradnje kvalitetnih uvjeta za odrastanje djece. Najbolji interes djeteta, proklamiran Konvencijom o pravima djeteta Ujedinjenih naroda, temeljno je načelo kojim se svaka javna vlast mora rukovoditi u svim akcijama koje se tiču djeteta. Vlada Brčko distrikta BiH kontinuirano provodi sve potrebne aktivnosti koje imaju za cilj osigurati ostvarenje prava svakoga djeteta na obrazovanje, njihovo sudjelovanje u kulturnim i rekreativnim aktivnostima, društvenu skrb za djecu i jačanje odgovornosti svih subjekata zaštite.

# U Brčkom održani „Dani voća“

Na Trgu mlađih u Brčkom održana je četvrta po redu gospodarsko-turistička manifestacija „Dani voća“, koju pod pokroviteljstvom Vlade Brčko distrikta BiH organizira „Voćni klub“ iz Brčkog.

Manifestaciju je službeno otvorio dogradonačelnik Brčko distrikta BiH Anto Domić, koji je naglasio da ovakva manifestacija ima poseban značaj u afirmaciji voćarstva i voćarske proizvodnje.

„Distrikt je geografski pozicioniran tako da se nalazi na obroncima Majevice, koji daju izvrsne uvjete za razvoj i uzgoj voća. Ova manifestacija ima posebnu ulogu da pokaže i mladim ljudima da sektor proizvodnje voća ima perspektivu i da tu mogu usmjeriti svoje znanje, aktivnost i angažman i da im to može osigurati solidne prihode koji daju mogućnost da ovdje, u BiH i Distriktu ostanu i organiziraju svoj život. Vidiš sam puno dobrih originalnih ideja koje su mlađi ljudi osmisili i ovdje prezentirali, što mi daje nadu da je naša perspektiva dosta dobra bez obzira na ove epidemiološke mjere“, kazao je Domić dodajući da će Vlada Brčko distrikta BiH nastaviti s potporom u razvitku voćarstva.



Predstojnik Odjela za poljoprivredu, šumarstvo i vodno gospodarstvo Perica Burgić kazao je da se u posljednje vrijeme sve više nasada voća stavlja u promet i da je Vlada prepoznala značaj ulaganja u voćarstvo.

„Brčko je uvijek bilo voćarski kraj i nadam se da će tako i ostati. Odjel i Vlada su prepoznali da je ulaganje u voćarstvo itekako isplativo kako za proizvođače tako i za Vlada jer se radi o proizvodu koji prolazi na europskom tržištu“, kazao je Burgić.

Koordinator „Voćnog kluba“ Brčko distrikta BiH Savo Lukić kazao je da je cilj manifestacije podizanje voćarstva na još veću razinu ali i dodatna afirmacija Distrikta kao izrazito voćarskog kraja. „Zahvaljujući institutima, fakultetima i stručnim ljudima mi želimo ovo podići na još veću razinu jer bez struke nema rezultata i kvalitetnog voća. Ove smo godine smanjili broj sudionika na trideset, što je sasvim dovoljno da se predstavi kultura, tradicija, prerada, prerađivačka industrija kao i stari obrti“, kazao je Lukić.

Prije službenog otvorenja gosti manifestacije prisustvovali su prijamu kod dogradonačelnika Ante Domića u Gradskoj vijećnici.



## Nezaposlenim licima sa Zavoda za zapošljavanje po 100 KM jednokratne pomoći

Vlada Brčko distrikta BiH na 120. vanrednoj sjednici usvojila je Zaključak o davanju saglasnosti na kriterije za dodjelu jednokratne novčane pomoći nezaposlenim licima.

Jednokratnu novčanu pomoć u iznosu od 100,00 KM dobit će svako nezaposленo lice koje se nalazi na evidenciji Zavoda za zapošljavanje Brčko distrikta BiH zaključno s 1. 9. 2020. godini. Distribucija novčane pomoći vršit će se putem poštanskih službi koje egzistiraju na području Brčko distrikta BiH.

Za ove namjene Vlada Brčko distrikta BiH izdvojila je 1.000.000,00KM.

## Usvojen rebalans budžeta za 2020. godinu i Nacrt odluke o privremenom finansiranju

Vlada Brčko distrikta BiH na 122. vanrednoj sjednici usvojila je Nacrt odluke o izmjenama i dopunama Budžeta Brčko distrikta BiH za 2020. godinu i proslijedila u skupštinsku proceduru.

Finansiranje se uvećava u iznosu od 13.505.879,62 KM i navedeno uvećanje se odnosi na finansiranje iz sredstava kapitalnog budžeta iz 2018. Godine.

Također, u Budžetu Brčko distrikta BiH za 2020. godinu planirani iznos sredstava se umanjuje za 4.049.966,26 KM. Sredstva će se u ukupnom iznosu od 17.555.845,88 KM raspoređiti prema definisanom Nacrtu odluke o izmjenama i dopunama Budžeta Brčko distrikta BiH za 2020. Godinu.

Ukupan iznos Budžeta s usvojenim rebalansom iznosi 296.104.675,86 KM. Na današnjoj vanrednoj sjednici Vlada je usvojila i Nacrt odluke o privremenom finansiranju budžetskih korisnika Brčko distrikta BiH za period od 1. 1. do 31. 3. 2021. godine u ukupnom iznosu od 54.526.000,27 KM.

## Održan drugi nastavak 86. redovite sjednice Vlade

Članovi Vlade Brčko distrikta BiH na drugom nastavku 86. redovite sjednice usvojili su Nacrt odluke o usvajanju kriterija i proceduri za dodjelu dotacijskih sredstava za sufinciranje projekata Europske unije i drugih donatora u 2020.godini.

Predstojnik Odjela za europske integracije i međunarodnu suradnju Vlade Brčko distrikta BiH Miroslav Geljić kazao je da je ove godine izdvojeno 35.000,00 KM i da su sredstva osigurana u Proračunu Brčko distrikta BiH za 2020. godinu. „Najviši nominalni iznos dotacijskih sredstava za sufinciranje projekta koji se može dodijeliti iznosi 15.000,00 KM i ne može biti ranije financiran iz proračuna Brčko distrikta BiH. Pravo sudjelovanja u raspodjeli sredstava imaju podnositelji zahtjeva koji su registrirani i imaju sjedište u Distriktu pod uvjetom da su već osigurali dio sredstava od Europske unije i drugih donatora. Ako podnositelji nisu opravdali potrošnju svih dodijeljenih sredstava iz proračuna Distrikta u posljednje tri godine, neće moći dobiti sredstva. Javni poziv će biti otvoren 15 dana od dana raspisivanja“, kazao je Geljić. Svrha dodjele dotacijskih sredstava za sufinciranje projekata jeste da se doprinese unaprjeđenju pojedinih oblasti u Brčko distriktu BiH, a posebice:

- a) procesa europskih integracija i međunarodne suradnje
- b) ekonomskog razvitka
- c) društvenog razvitka
- d) razvitka civilnog društva
- e) borbe protiv korupcije
- f) jačanja kapaciteta institucija Distrikta
- g) odgovora na katastrofe i izvanredne situacije.

## Aktivnosti provjere vjerodostojnosti prijavljenih adresa

Šef Pododjeljena za lične dokumente Vlade Brčko distrikta BiH Hajrudin Jusufović izjavio je da su na području Brčko distrikta BiH u toku aktivnosti kontrole prijavljenih adresa i da je zadovoljan trenutnom saradnjom s građanima.

On je kazao da su u periodu od 15. 9. 2020. do 1. 10. 2020. godine izvršene 3.804 provjere i da je od toga kod 1.907 osoba utvrđen status.

„Registrovano je 112 lica koja su za daljnju provjeru, 282 lica koja su u inostranstvu, 17 umrlih lica, 24 lica koja su preselila na drugu adresu u Brčko distriktu BiH, 9 lica koja su odbila saradnju i za 1.463 lica registrovan je uredan status prebivališta. Kod 112 lica nije nađena adresa i niko za njih ne zna, ni predsjednici mjesnih zajednica ni komšije i nisu nikada stanovali na tim adresama. Kada je u pitanju 17 umrlih osoba, te osobe nisu nikada obrisane iz evidencije prijavljenih adresa iz ranijeg perioda prije 2015. godine. Do ovoga je došlo vjerovatno što iz inostranstva konzularna predsjedništva nisu dostavila te podatke ili njihove porodice nisu tražile da se ovdje izbrišu iz liste. Mi smo analizom biračkih spiskova utvrdili i *skimuli* mrtve. Taj podatak još stoji, ali u narednom periodu ćemo to sve završiti”, kazao je Jusufović dodajući da će osobe koje su odbile

saradnju s anketarima biti provjerene od strane Policije Brčko distrikta BiH kako bi se utvrdio njihov boravišni status.

On je dodao da do sada nije bilo potrebe za hitnom intervencijom Policije na terenu, osim, kako je istakao, jednog manjeg incidenta.

„Kada su u pitanju osobe koje nisu zatečene na adresi i za koje niko nije čuo, rješavat ćemo u koordinaciji s Policijom. U tom slučaju policijski službenici bi izašli na lice mjesta, sačinili zapisnik koji bi dostavili nama na daljnje postupanje. Protiv takvih osoba može se voditi upravni postupak, novčano ih kazniti ili oduzeti lične dokumente”, kazao je Jusufović.

On je napomenuo da se određene zabune pojavljuju kod građana zbog dvije aktivnosti anketiranja koje se vode na području Distrikta.

„Trenutno državna Agencija za statistiku također vrši anketiranje građana Brčko distrikta BiH o broju radne snage u Brčko distriktu BiH, odnosno broju radno sposobnog stanovništva i njihovi anketari rade kontinuirano, tokom čitave godine. Zbog toga dolazi do zabune kod građana, odnosno prigovaraju anketarima Javnog registra kako su već bili kod njih, iako su to bili anketari državne Agencije za statistiku”, istakao je Jusufović.



# Почела реализација пројекта за рјешавање водоснабдијевања Доњег Брезика

*„Ово је веома важан пројекат јер ће ријешити проблем водоснабдијевања за 5.000 становника Доњег Брезика“, рекао је градоначелник Брчког Синиша Милић.*

Вишегодишњи проблем недостатка воде у једној од највећих брчанских мјесних заједница – Доњем Брезику биће ријешен реализацијом пројекта изградње цјевовода, у дужини од 600 метара.

Градоначелник Брчко дистрикта БиХ Синиша Милић и шеф Одјељења за комуналне послове Зоран Булатовић обишли су терен поводом почетка радова на овом пројекту вриједном 150.000 КМ.

„Ово насеље ће бити прикључено на градску водоводну мрежу тако да ће, уз локални водовод, имати и алтернативни начин снабдијевања водом. То значи да овдје неће више моћи да дође до нестанка воде. Ово је веома важан пројекат јер ће ријешити проблем водоснабдијевања за 5.000 становника Брчког Синиша Милића“, рекао је градоначелник Брчког Синиша Милић.

Шеф Одјељења за комуналне послове у Влади дистрикта Брчко Зоран Булатовић истакао је да су се, након више година чекања, ове године стекли услови за реализацију пројекта.

„Значај пројекта је, осим снабдијевања водом, и то што је он почетак једног прстена који иде ка Горњем Брезику и што ће бити саставни дио главног транспортног цјевовода који је у фази одобравања од стране ЕБРД-а, односно задуживања и извођења радова и обезбеђивања квалитетног снабдијевања свих приградских, а свакако и градских средина у Брчком“, додао је Булатовић. Мјештанка Доњег Брезика Стана Стевић рекла је да ће нови цјевовод много значити за све становнике овог насеља.

„Ми у нашем домаћинству имамо свој бунар јер нисмо хтјели да ризикујемо да останемо без воде. Нови цјевовод нам много значи, као и нови асфалтни пут јер ствара боље услове за живот у овом дијелу Брчког“, истакла је Стана.



## Градоначелник присуствовао отварању “Liberty Group” Брчко, за двије године 100 радних мјеста

Градоначелник Брчко дистрикта БиХ Синиша Милић присуствовао је свечаном отварању “Liberty Group” д.о.о. Брчко, фирме за производњу модуларних и монтажних, стамбених и нестамбених објеката која се налази у индустријској зони у близини тржног центра „ФИС“ Брчко.

На свечаном отворењу наглашено је да је у првој фази планирано да фирма запосли око стотину радника, а по завршетку комплетне хале биће запослено 1000 радника који ће радити у три смјене. Градоначелник је казао да овај догађај није важан само за “Liberty Group” већ и за Дистрикт и грађане. „У времену када се боримо за свако постојеће радно мјесто, овај данашњи догађај и најава запослења за неких стотину радника у првој фази и завршној око 1000 радника јако су значајни за Дистрикт и грађане.

Важно је и истаћи да се овде ради о производном погону који ће цјелокупни асортиман пласирати на инострано тржиште. То је на неки начин и порука да Дистрикт може бити погодна дестинација за улагања. Очекујемо да ће путем “Liberty Group” и други инвеститори кренути да уложу у ову локалну заједницу”, казао је Милић.

Након финализације изградње комплетне фирме планирани годишњи промет “Liberty Group” би био до 500.000.000 евра и очекује се да овај план буде завршен за двије године. Сировине ће се увозити преко домаћих фирм, а извозити на тржиште Европске уније и Сједињених Америчких Држава. Покретач индустрије и зачетник идеје “Liberty Group” је Елвир Шехић и његов партнери Захид Бијелић.



## Održan zajednički sastanak Brčkog i entiteta na temu autoputa

Izgradnja saobraćajnih koridora kroz distrikt Brčko, koji će činiti trasu autoputeva od Vukosavlja ka Bijeljini i Sarajeva ka Beogradu, bila je tema prvog zajedničkog sastanka gradonačelnika Brčkog Siniše Milića sa predstavnicima JP „Autoputevi RS“ i JP „Autoceste FBiH“.

Riječ je o koridoru istok – zapad od Bijeljine ka Vukosavlju, i koridoru jug - sjever, od Tuzle ka Orašju, koji prolaze kroz distrikt Brčko, a koji u konačnici čine dio autoputa Sarajevo- Beograd – Sarajevo.

Na sastanku, kome su prisustvovali i predstavnici nadležnih odjeljenja Vlade distrikta i JP „Putova Brčko“ dogovoren je dalji zajednički rad na definisanju kontakt tačaka koridora na administrativnoj granici između Brčkog i entiteta.

Predstavnici nadležnih javnih preduzeća sa nivoa entiteta informisani su da je distrikt Brčko formirao radnu grupu koja će nakon analize i usaglašavanja prostorno planske dokumentacije raspisati javni poziv za definisanje najpovoljnije trase saobraćajnih koridora.

Nakon toga, biće stvorene pretpostavke za razgovor nadležnih organa oko investiciono finansijskih modaliteta gradnje koridora.

Na sastanku je potvrđeno da će trasa autoputa od Bijeljine ka Vukosavlju ujedno biti i trasa budućeg gasovoda za koji je zainteresovana Republika Srpska.

*Riječ je o koridoru istok – zapad od Bijeljine ka Vukosavlju, i koridoru jug - sjever, od Tuzle ka Orašju, koji prolaze kroz distrikt Brčko, a koji u konačnici čine dio autoputa Sarajevo- Beograd – Sarajevo.*



# Представљен Нацрт стратегије развоја Брчко дистрикта БиХ за период 2021–2027. године

Секретар Владе Брчко дистрикта БиХ Давор Шолаја на конференцији за медије представио је Нацирт стратегије развоја Брчко дистрикта БиХ за период 2021–2027. годину која има за циљ да побољша квалитет живота у Дистрикту.

Он је изјавио да Стратегија садржи све елементе које један град треба да има како би се развијао у наредном периоду.

„Циљ нам је да пут кретања Дистрикта у наредном периоду буде што квалитетнији. Да бисмо имали тај квалитет потребно је да и наши, грађани Дистрикта дају свој допринос како би добили што квалитетнију Стратегију. Хоћемо да чујемо додатно и глас грађана како би нам дали смјернице које смо пропустили и што више података прикупимо добићемо квалитетнију Стратегију. Такође, Стратегија ће нам бити водила даљег креирања буџета и све оно што буде било у Стратегији требало би да се налази и у књизи буџета. Покушали смо да обухватимо све сегменте живљења од привредног и

пљоопривредног сектора, туризма, социјалног унапређења до руралног развоја, а акценат је стављен и на побољшање образовања, односно све оно што један град треба да има како би се кретао ка побољшању живота“, казао је Шолаја.

Он је истакао да Стратегија од преко 200 страна поред стратешких циљева садржи и одређене приоритетете.

„Неки од приоритета су развој предузетништва, тј. развој малих и средњих предузећа, развој и пљоопривредног, али и руралног дијела, побољшање цјелокупног здравственог система као и увођење информатизације здравственог центра што ће сигурно допринијети бољем развоју услуге грађанима“, истакао је Шолаја.

Нацрт стратегије развоја Брчко дистрикта БиХ за период 2021–2027. годину рађен је у сарадњи с Одјељењем за привреду, спорт и културу и партнерима УНДП и Република Швајцарска.



# Мост Брчко-Гуња приоритет у реконструкцији мостова између двије државе





Министар комуникација и транспорта у Савјету министара БиХ Војин Митровић рекао је у Брчком да је на састанку у Хрватској договорено да приоритет у реконструкцији мостова између државе буде мост који спаја Брчко и Гуњу, као и онај који спаја Нови град и Двор.

Митровић, који се састао са брчанским градоначелником Синишом Милићем и његовим сарадницима је истакао да постоји интерес међународне зајднице да мост профунксионише за промет робног саобраћаја. „Тема разговора са брчанским градоначелником била је ревитализација Луке, те да ће министарство у наредном периоду радити деминирање обале како би се могло приступити и пројекту уређења корита ријеке Саве и обезбиђење пловности“, додао је Митровић.

Митровић је навео да ће се састати са делегацијом Републике Хрватске и Владе дистрикта како би се нашло најбоље рјешење за реконструкцију моста, те да ће се урадити оно што је у интересу Брчко дистрикта, БиХ,

али уз сагласност Хрватске.

Градоначелник Брчког Синиша Милић рекао је да ће се након тог састанка знати више детаља и о почетку радова на реконструкцији моста, као и оцијени коштања.

„Оно што је нама интерес је да што прије дођемо до рјешења који ће омогућити одвијање теретног саобраћаја, што је свакако од интереса и за Луку Брчко и за цјелокупну привреду дистрикта која је преполовљена због тренутних околности. Охрабрени смо оваквим приступом министра будући да су ставили на располагање и своје ресурсе и захваљуји, између осталог и контактима који су вођени са Републиком Хрватском приликом посјете члана предсједништва господина Додика и активностима самог министартва овај мост и његова реконструкција је ушла и међу приоритете за споразум о реконструкцији граничних прелаза“, рекао је Милић.

Митровић и Милић су, након састанка у Градској вијећници, са сарадницима обишли гранични мост, а потом и брчанску Луку где су разговарали са директором тог јавног предузећа Маринком Виљушићем.



# Крепшић примјер дobre сарадње власти и становника

Градоначелник Брчког Синиша Милић рекао је новинарима да је Влада дистрикта и у претходном периоду издвојила знатна средстава за развој приградских мјесних заједница, те да је примјер Мјесне заједнице "Крепшић И" један од бољих како се може домаћински располагати тим средствима.

Милић је истакао да је изградњом Омладинског дома у тој Мјесној заједници, Културно-умјетничко друштво, које постоји од 1956. године, коначно добило адекватан простор за своје активности. Он је навео да један од свијетлих примјера како се користе буџетска средства јесте и Фудбалски клуб "Обилић" из Крепшића, чији стадион је један од најљепших у дистрикту. "Мислим да се на примјеру Крепшића на најбољи могући начин може видјети како остварити сарадњу између локалних структура власти и становника једне мјесне заједнице", рекао је Милић.

ШЕф Одјељења за стручне и административне послове у Влади Брчко дистрикта Срђан Блажић рекао је да је протекле четири године уложено 600.000 КМ у објекте мјесних заједница на подручју дистрикта, те да све мјесне заједнице имају своје просторе за рад. Блажић је напоменуо да је Брчко дистрикт укључен у пројекат "Јачање улога мјесних заједница у БиХ", да је у првој фази тог пројекта било укључено шест мјесних заједница, те да се друга фаза, у коју ће бити укључено пет мјесних заједница, наставља од сљедећег мјесеца. "Вриједност друге фазе пројекта је 8.000.000 евра за цијелу БиХ. Финансира се од стране шведске и швајцарске владе", навео је Блажић.

Он је додао да оно што предстоји јесте да се кроз измене и допуне Закона о мјесним заједницама побољша улога мјесних заједница у дистрикту. Предсједник Мјесне заједнице "Крепшић И" Перо Поповић рекао је да је изградња Омладинског дома коштала 248.000 КМ, да је задовољан урађеним инфраструктурним пројектима у тој мјесној заједници, те да је остало још неколико њих да се реализују. Градоначелник Брчког Синиша Милић са сарадницима обишао је новоизврађени Омладински дом, стадион, дјечије игралиште и лјетњиковац у овој мјесној заједници. Младен Николић, члан Скупштине Фудбалског клуба „Обилић“ из Крепшића рекао је да је прошле године завршен највећи дио радова на стадиону, трибине и терен.

„Терен задовољава све критеријуме да се играју репрезентативне утакмице, на њему играју и премијерлигаши и фудбалски тимови других мјесних заједница. Све је ово урађено средствима Владе Брчко дистрикта. Имамо здраву екипу која све води и то се види“, закључио је Николић. Зорица Педић, предсједник Удружења жена „Анђели Крепшић“ истакла је да је ово Удружење уз помоћ Владе обновило лјетњиковац који је био за вријеме поплава скроз уништен те да је обновљено дјечије игралиште.

# Милић: Све у шта смо улагали у насељу Илићка служи сврси





Градоначелник Брчког Синиша Милић и шеф Одјељења за стручне и административне послове Срђан Блажић обишли су са руководством Мјесне заједнице Илићка, инфраструктурне пројекте који су реализовани у протеком периоду у овом насељу.

Градоначелник Милић је приликом обиласка обданишта, где су у току завршни радови, истакао да је Илићка једна од најмлађих и највећих мјесних заједница у дистрикту са великим бројем дјеце за коју је изграђена школа, те да ће ускоро свечано бити отворено и обданиште.

Обданиште је капацитета 100 дјеце и у овом објекту ће бити смјештена централна кухиња за потребе свих објеката Јавне установе Обданиште "Наша дјеца".

Милић је подсјетио да је објекат рађен уз помоћ Владе Републике Србије која је за те намјене донирала 500.000 евра, односно на основу Споразума о специјалним и паралелним везама између Републике Српске и Републике Србије, као и средствима из буџета Брчко дистрикта.

"У протеклом периоду много је уложено на простору Мјесне заједнице Илићка од изградње кружног тока до спортских игралишта. Све оно у што смо улагали овдје служи својој сврси", рекао је Милић новинарима.

Он је додао да слиједи период реализације више значајних пројеката на цијелом простору дистрикта.

Предсједник Мјесне заједнице Илићка Дамјан Дунцић рекао је да су сви до сада реализовани инфраструктурни пројекти допринели квалитетнијем животу становника те мјесне заједнице.

„Могу да кажем све похвале за сарадњу са властима у протеклом периоду. Када би се наставило и у будуће не можемо бити нездовољни“, додао је Дунцић.

Предсједник Фудбалског клуба Илићка Далибор Шаренац рекао је да очекује да ће Влада дистрикта у наредној години омогућити наставак изградње стадиона тог клуба да би могао да стекне услове да игра у већем рангу.

Члан Управног одбора Омладинског погона Илићка Ведран Јовичић подсјетио је да је, захваљујући подршци власти те залагањем чланова Удружења Илићка добила Балон салу на парцели мјесног стадиона. „Ми смо сви активно учествовали и циљ нам је да помогнемодјеци која тренирају да имају адекватне услове“, додао је Јовичић.

Непосредан повод посјете насељу Илићка била је и свечаност поводом освештања нових просторија за рад Културно умјетничког друштва „Илићка“.

„Дугујемо захвалност Влади Брчко дистрикта, а посебно градоначелнику који се заузeo да добијемо ове просторије које су нам биле толико неопходне“, закључио је Јован Савић, предсједник КУД „Илићка“.

# Zabrana svih javnih okupljanja u zatvorenom prostoru, obavezne maske na otvorenom

Šef Odjeljenja za zdravstvo i ostale usluge Vlade Brčko distrikta BiH Akif Pezerović na konferenciji za medije kazao je da je epidemiološka situacija u Distriktu komplikovana s tendencijom daljeg pogoršavanja.

On je kazao da je u 24 sata na području Distrikta registrovano 98 lica koja su pozitivna na COVID-19. „Ocijenili smo da je jedan od osnovnih razloga ovog stanja nepridržavanje postojećih epidemioloških mjera. Broj od 98 lica imamo zbog akumuliranih osoba preko vikenda. Od tih 98 muških je 50, a ženskih 48. Kada se analiziraju godine starosti većinom su to osobe srednje i mlađe životne dobi što i to može ukazivati gdje bi mogla biti žarišta. Aktivnih slučaja je 330, a od početka epidemije imamo registrovano ukupno 678 pozitivnih“, kazao je Pezerović.

Zbog teške epidemiološke situacije Štab za zaštitu i spašavanje Brčko distrikta BiH na sjednici donio je nekoliko naredbi koje stupaju na snagu danas, a najznačajnija je naredba o zabrani svih javnih okupljanja u zatvorenom prostoru. Učesnici javnih okupljanja na otvorenom prostoru dužni su da se pridržavaju svih epidemioloških mjera i preporuka uključujući i obavezno nošenje zaštitne maske. „Također, na današnjoj sjednici Štab je naložio i obavezno nošenje maske na otvorenom u grupi od dva ili više lica. Štab je naložio i inspekciji da pojača rad na terenu i kontrolu ugostiteljskih objekata kako bi se utvrdilo da li se poštuju doneSene mjeru i naredbe Štaba. Data je mogućnost da inspekcije izriču mjeru zabrane obavljanja ili zatvaranja tih objekata u slučaju da utvrde da se u tom objektu ne poštuju izrečene mjeru i naredbe. U slučaju pogoršanja ili nepoštovanja naredbi postoji mogućnost da se Štab izjasni o zatvaranju svih ugostiteljskih objekata“, kazao je Pezerović dodajući da je Štab na sjednici donio i mjeru koja se odnosi na lica bez zdravstvenog osiguranja kako bi im se omogućilo pružanje zdravstvene usluge, dijagnostika i liječenje u slučaju simptoma zaraze korona virusom.



Prilikom javljanja u JZU „Zdravstveni centar Brčko“ Brčko distrikta BiH identitet tih lica će se moći utvrditi na osnovu lične karte kao dokaz o prebivalištu na području Brčko distrikta BiH. Pezerović je na konferenciji za medije kazao da u petak stupa na snagu i novi Zakon o zaštiti stanovništva od zaraznih bolesti. „Taj zakon je dobar i efikasan instrument i na osnovu tog zakona propisane su sankcije koje će biti znatno strože nego što su bile po dosadašnjim propisima. Od petka kontrolni organi krenut će u kontrole podnošenja kaznenih prijava“, istakao je Pezerović. Direktor JZU „Zdravstveni centar Brčko“ Brčko distrikta BiH Nihad Šibonjić kazao je da je krajnje vrijeme da građani počnu poštovati sve dosadašnje donesene mјere Štaba. „Situacija se pogoršava u svijetu, u našem okruženju, a i kod nas je trenutno loša. Svaki dan imamo na desetine novih zaraženih pacijenata, svaki dan imamo prijem od 7 do 10 pacijenata u bolnicu. Svaki taj pacijent se najmanje dvije sedmice mora zadržati u bolnici i uglavnom se primaju oni sa srednjom i teškom kliničkom slikom. Također, i oni koji imaju lakšu kliničku sliku nekad se moraju primiti zbog drugih bolesti, što dodatno opterećuje naš bolnički sistem. Mi u zgradili Odjeljenja za plućne bolesti i tuberkulozu trenutno imamo 25 pacijenata i tu smještamo najteže pacijente kojima je potreban respirator i kisik. Trenutno je dvoje na respiratoru i jedna osoba je na neinvazivnoj ventilaciji. Šest lica je s teškom kliničkom slikom i šesnaest sa srednje teškom kliničkom slikom. Kada je u pitanju zgrada ginekologije, tu imamo 16 pacijenata – 3 s teškom kliničkom slikom i 13 sa srednje teškom kliničkom slikom. Za šest pacijenata nismo uspjeli dokazati testiranjem da su COVID pozitivni, ali imaju simptome koji ukazuju da se najvjerovaljnije radi o COVID infekciji“, kazao je Šibonjić.

On je istakao da je od Štaba dobijen zadatak kako bi se pripremio „plan B“ i priprema drugih objekata gdje bi se pacijenti smještali.

„Inače, bolnica u Brčkom sveukupno ima 300 kreveta i u ovakvoj situaciji mogli bismo imati najviše do 120 kreveta za COVID pacijente. To je skoro polovina kapaciteta i mi moramo misliti i na ostale pacijente koje treba liječiti. Pošto vidimo da se brzo popunjavaju mјesta, mi smo oslobođili Odjeljenje pedijatrije i njega smo preselili na Odjeljenje otorinolaringologije koje ćemo pregraditi, a to ćemo uraditi i na Internom odjeljenju kako bismo dobili još mogućih tridesetak kreveta. Od Štaba smo dobili i zadatak da pripremimo za svaki slučaj i dodatni objekat za potrebe COVID pacijenata. Da li će to biti neka škola, fiskulturna dvorana – vidjet ćemo. Doktori i sestre, svi smo mi na izmaku snaga i sve nas je više koji postajemo zaraženi i ostajemo u izolaciji zbog kontakata“, kazao je Šibonjić.





Градоначелник Брчко дистрикта БиХ Синиша Милић посјетио је обданиште у насељу Илићка поводом завршетка грађевинских радова.

Он је казао да је покренута и конкурсна процедура и да већ постоје спискови дјеце која би требало да се нађу у овом обданишту.

„Са задовољством могу констатовати да су грађевински радови на згради обданишта у насељу Илићка коначно завршени. Остало је још да се уради асфалт испред обданишта, али то ће бити завршено за неких од седам до десет дана. Такође, овдје ће моћи да борави стотину дјеце укључујући и дјецу с посебним потребама, где постоје и посебне просторије. Ми очекујемо и завршетак конкурсне процедуре у вези с пријемом васпитачица и другог особља неопходног за рад у овом објекту и по окончању тих процедуре неће постојати ниједна препрека да дјеца коначно буду уписана у ово обданиште. Слободно могу рећи да је овај објекат можда један од најмодернијих објеката не само у Брчком, већ и много шире“, казао је Милић додајући да је Влада Републике Србије издвојила милион марака за изградњу овог објекта, а Влада Дистрикта из буџета дотирала 650.000 КМ.

Он је подсјетио да постоје обезбијеђена

средства за изградњу још два обданишта на подручју Брчко дистрикта БиХ и да вјерује да ће се тиме ријешити и хронични проблем недостатка јавних обданишта на простору Брчког.

Директорица предпоклске установе „Наша дјеца“ Брчко дистрикта БиХ Јасна Јовичић истакла је да ће се отварањем овог објекта засигурно олакшати рад.


„Оно што нама отвара велике додатне могућности јесте то што овдје имамо и централну кухињу која ће радити за свих пет објеката у Брчком и то ће нам олакшати комплетан рад. Конкурсна процедура пријема комплетног особља, не само наставног, него и административног и техничког, коначно ће да буде урађена и надамо се да ће врло брзо све кренути с радом. Укупно ћемо имати осамнаест нових радних мјеста“, казала је Јовичић.

Горан Ковачевић из Канцеларије за управљање јавном имовином Брчко дистрикта БиХ казао је да је Канцеларија највећим дијелом била учесник у управљању пројектом и грађењем обданишта које се налази на парцели површине од око 3.000 квадратних метара.





## Potpisan Ugovor o partnerstvu na realizaciji programa potpore poduzetništvu



Odjel za gospodarski razvitak, šport i kulturu Vlade Brčko distrikta BiH zajedno sa Zavodom za zapošljavanje Brčko distrikta BiH i predstavnicima Investicijske fondacije IMPAKT Sarajevo potpisao je Ugovor o partnerstvu na realizaciji programa potpore poduzetništву kroz YEP Inkubator poslovnih ideja na području Brčko distrikta BiH.

Predstojnik Odjela Pero Gudeljević kazao je da je u programu prije svega fokus na mlade i žene i na programe koji su inovativnog karaktera. „Poznato je da Brčko već posljednjih šest ili sedam godina provodi vlastiti program samozapošljavanja i ovaj program je posebno interesantan zbog činjenice da će to biti nadogradnja onoga što mi već godinama radimo. Ovim ćemo i unaprijediti taj program u smislu da će ljudi koji pokrenu svoj biznis tijekom vođenja tog biznisa imati jednu potporu od stručnjaka koji će pomoći u različitim segmentima. Mi ćemo u budućnosti pokušati da te dobre prakse ugradimo u programe koje Vlada provodi neovisno o ovom programu. Pokušat ćemo da ljudi animiramo da to ne budu djelatnosti koje su uobičajene. Puno više bodova će u evaluaciji dobiti oni koji budu inovativni“, kazao je Gudeljević.

Mirela Omerović, izvršna direktorica Investicijske fondacije IMPAKT Sarajevo, kazala je da će se u sklopu zajedničke suradnje između IMPAKT-a, Vlade Brčko distrikta BiH i Zavoda za zapošljavanje Brčko distrikta BiH u 2020. i 2021. godini realizirati program YEP inkubator poslovnih ideja koji će, između ostalog, obuhvatiti program poduzetničke obuke za minimalno 50 sudionika s područja Brčko distrikta BiH te finansijsku, stručnu i mentorsku potporu za 10 novih poslovnih poduhvata na području Distrikta. Ona je istaknula da će deset najboljih poslovnih ideja imati priliku dobiti po 5.000 KM za pokretanje biznisa.

Tamara Duvnjak Mitrović, v.d. direktorica Zavoda za zapošljavanje Brčko distrikta BiH, kazala je da je Zavod sudjelovao sa 70.000 KM u ovom programu i da očekuje provođenje programa u šest etapa.

„Riječ je o stimulaciji nezaposlenih osoba s evidencije Zavoda za zapošljavanje i potencijalnih poduzetnika s ciljem poduzimanja poslovnih poduhvata i održavanja postojećih poslovnih poduhvata. Sukladno epidemiološkoj situaciji završetak programa očekujemo u ožujku 2021. godine“, kazala je Duvnjak Mitrović. Program se realizira uz potporu Švicarske agencije za razvoj i suradnju (SDC).



## Uručena novčana nagrada Amini Ribić, studentici generacije Ekonomskog fakulteta u Brčkom

Šef Odjeljenja za obrazovanje Vlade Brčko distrikta BiH primio je Aminu Ribić, studenticu generacije Ekonomskog fakulteta u Brčkom, te uručio novčanu nagradu u iznosu od 5.000 KM. On je istakao da Odjeljenje za obrazovanje tradicionalno nagrađuje najbolje učenike i studente. „Izuzetna mi je čast primiti najbolju studenticu s područja Brčko distrikta BiH koja je proglašena za studenta generacije na svom univerzitetu. Odjeljenje za obrazovanje tradicionalno nagrađuje najbolje među najboljim i ovo je prilika da svečano predamo i poklon bon ili ček od 5.000 KM. To je još jedan način priznanja za njen uspjeh, zalaganje tokom četverogodišnjeg studija, ali i srednjeg obrazovanja, u nadi da će svojim znanjem i kompetencijama doprinijeti i razvoju Brčko distrikta BiH. Nadamo se da će ovdje i ostati kako bi trudom i zalaganjem dala poseban doprinos u napretku ove lokalne zajednice“, kazao je Osmanović.

Nakon uručenja novčane nagrade Amina Ribić se zahvalila na vrijednoj nagradi i naglasila da je ovo dokaz da Brčko cijeni i da se ponosi ovakvim studentima.

„Jako sam zahvalna i sretna što grad prepoznaje naš rad i trud. Planiram ostati ovdje i, ako Bog da, planiram se zaposliti. Upisala sam i master studije na istom fakultetu, smjer bankarski menadžment i marketing. Nadam se da će sve svoje uspjehe vratiti i Brčko distriktu BiH“, kazala je Ribić.

Osmanović je podsjetio da Odjeljenje za obrazovanje vrši još nekoliko značajnih investicija kada je riječ o studentima kao što su plaćanje studentskih domova širom BiH te stipendiranje svake godine oko 400 stipendista tokom prvog ciklusa, što im, kako je kazao, značajno pomaže.

# Planirano puštanje u rad tri područna vatrogasna doma u Distriktu

Gradonačelnik Brčko distrikta BiH Siniša Milić, dogradonačelnik Anto Domić i predstojnik Odjela za javnu sigurnost Edin Zaimović obišli su područne vatrogasne domove u naseljima Prutače, Bijela i Sandići, čija je svrha da se pomogne stanovnicima u slučaju požara, poplava i sličnog.

Prigodom obilaska gradonačelnik je kazao da su područni vatrogasni domovi značajni za Distrikt i da će pokrivati određena područja kako bi se pravodobno djelovalo.

„Vatrogasni domovi zasigurno će pružiti i učinkovitiju protupožarnu zaštitu na području Distrikta i hvala svima onima koji su imali ovu viziju i koji su ovaj projekt doveli do kraja. Ovo što smo uradili je nešto što je za primjer i drugima. Također i s realizacijom projekta izgradnje novog vatrogasnog doma u Brčkom nema sumnje da ćemo taj sustav imati potpuno zaokružen“, istakao je Milić.

Dogradonačelnik Brčko distrikta BiH Anto Domić podsjetio je da je prije postojao problem s komunikacijom grada i udaljenih sela na prostoru Distrikta, ali da se izgradnjom ovih domova to mijenja.

„Vatrogasni dom u Bijeloj kao i područni vatrogasni domovi u drugim dijelovima Distrikta imat će zadaću da pomognu stanovnicima u slučaju požara, poplava ili drugih nedraća, a sve s ciljem da građani budu sigurniji i bezbrižniji u svojim mjestima“, kazao je Domić.

Predstojnik Odjela za javnu sigurnost Edin Zaimović naglasio je da su svi područni vatrogasni domovi u potpunosti završeni i da se do konca godine planira puštanje u rad. On je istaknuo da su u proceduri i nabava specijalnih vozila kao i odabir najboljih kandidata.

„Cijena kompletne tri područna vatrogasna doma s vanjskim uređenjem je 1.794.520,85 KM. U proceduri je i nabava tri specijalna vozila. Jedno vozilo treba do kraja mjeseca biti isporučeno, a vrlo brzo očekujem i realizaciju ostalih. Također natječajna procedura je završena i čekamo da povjerenstvo odabere najbolje kandidate koji će se useliti u vatrogasne domove i biti na usluzi građanima. Svaki dom će imati po jedanaest vatrogasaca, odnosno voditelja područne vatrogasne jedinice i deset profesionalnih vatrogasaca“, kazao je Zaimović.



## Усвојена коначна ранг-листа за додјелу стипендија студентима

Влада Брчко дистрикта БиХ на 87. редовној сједници усвојила је Приједлог одлуке о усвајању коначне ранг-листе студената Брчко дистрикта БиХ који су остварили право на стипендију за период од 1. 1. 2020. до 30. 9. 2020. године.

За ову намјену издвојено је укупно 300.000

КМ и ово право искористиће 150 студената са подручја Брчко дистрикта БиХ. Усвојена ранг-листа објавиће се на огласној табли Владе Брчко дистрикта БиХ, на званичној интернет страници Владе Брчко дистрикта БиХ и Одјељења за образовање. Влада је на редовној сједници усвојила и Приједлог одлуке о одобравању исплате стипендија асполвентима.

## Na području Distrikta uveden policijski sat

На основу prijedloga Kriznog štaba zdravstva Brčko distrikta BiH na sjednici Štab za zaštitu i spašavanje Brčko distrikta BiH ponovo je aktivirao nekoliko naredbi u vezi s epidemiološkom situacijom na prostoru Distrikta iz mjeseca marta i aprila ove godine.

Šef Odjeljenja za zdravstvo i ostale usluge Vlade Brčko distrikta BiH Akif Pezerović kazao je da je Štab usvojio ове мјере на petnaest dana zbog složene i teške epidemiološke ситуације на подручју Distrikta. On je istakao da naredba stupa na snagu 22. novembra, odnosno u nedjelju od 22.00 sata, kada počinje i policijski sat.

„Sagledavajući kompletну situaciju Štab je odlučio da aktivira мјере koje su bile u implementaciji u periodu marta i aprila ove godine kada je epidemija i započela. Štab je donio i naredbu kojom se uvodi policijski sat, odnosno zabranjuje kretanje osobama na području Brčko distrikta BiH u vremenskom periodu od 22.00 do 5.00 sati, počevši od nedjelje 22. 11. 2020. godine u 22.00 sata, zabranjuje se rad ugostiteljskih objekata, sportskih kladiionica, kockarnica i drugih priređivanja igara na sreću, teretana, fitnes centara i sličnih djelatnosti koje se obavljuju u zatvorenom prostoru. U narednih 15 dana obustavlja se nastava u svim osnovnim i srednjim školama i zadužuje se šef Odjeljenja za obrazovanje da u periodu od 15 dana od dana donošenja ове нaredbe pripremi i dostavi Štabu za zaštitu i spašavanje Brčko distrikta BiH plan odvijanja nastave na alternativan način, zaustavlja se sav javni prevoz, nalaže se JZU „Zdravstveni centar Brčko“ Brčko distrikta BiH da uvede poseban režim rada u JZU „Zdravstveni centar Brčko“ u smislu obustave rada područnih ambulanti kao u periodu korištenja godišnjeg odmora, zabranjuje se svaki oblik javnog okupljanja uključujući i okupljanje u većem obimu u privatnim objektima. Štab je zadužio i Direkciju za finansije Brčko distrikta BiH da

napravi određeni plan obeštećenja lica koja po овој naredbi neće moći da rade i da obavljaju djelatnost. Napominjem da obdaništa ostaju raditi i praktično sve ono što nije obuhvaćeno naredbom će raditi”, kazao je Pezerović.

On je naglasio da je Štab donio i naredbu u vezi sa organizovanjem sahrana i dženaza gdje se ograničava prisustvo do 30 lica na vjerskim obredima – sahranama i dženazama na području Brčko distrikta BiH.

„Također, preporučuje se predstavnicima vjerskih zajednica na području Brčko distrikta BiH da s ciljem sprečavanja širenja epidemije izazvane korona virusom – COVID-19 organizuju i druge vjerske obrede na restriktivn način kako je to bilo utvrđeno ranijim naredbama“, kazao je Pezerović. Prema njegovim riječima sve što nije obuhvaćeno u donesenim naredbama, a koje se odnose na rad objekata, radit će, a kako je kazao, to se odnosi i na obdaništa.

Dušan Stokić, direktor Bolnice Brčko distrikta BiH, kazao je da je trenutno u brčanskoj Bolnici situacija zabrinjavajuća.

„Naši kapaciteti su popunjeni. Ljudi na našim odjeljenjima su umorni. Mi imamo liječenje i redovnih pacijenata i to liječenje je redukovano u onom mjeri koliko je to moguće. Nije lako izdržati taj tempo. Sve smo angažovali od ljudskih resursa i sistem je na ivici pucanja. Više od polovine bolničkih kapaciteta smo adaptirali i pretvorili u COVID odjeljenja. Ove mјere su iznuđene neodgovornim ponašanjem ljudi u prethodnom periodu. Međutim, nije to samo u Brčkom, tako je i u okruženju. Apelujem na stanovništvo Distrikta da ozbiljno shvate ovu situaciju. Moraju se pridržavati mјera i ispoštovati što je naloženo. Nadamo se da će za petnaest, dvadeset ili mjesec dana situacija polako da se smiruje i biti podnošljivija kako bi i zdravstveni sistem to mogao da kontroliše i zato pridržavajmo se ovih mјera“, kazao je Stokić.



# Usvojene odluke za stambeno zbrinjavanje boračkih kategorija

Vlada Brčko distrikta BiH na 128. vanrednoj sjednici usvojila je Prijedlog odluke o utvrđivanju kriterija za dodjelu jednokratne novčane pomoći u stambenom zbrinjavanju porodica pогинулог борца, ратног војног invalida i čлана porodice ratnog војног invalida u Brčko distriktu BiH i Prijedlog odluke o utvrđivanju kriterija za dodjelu jednokratne novčane pomoći u stambenom zbrinjavanju demobilisanom borcu i članu porodice umrlog demobilisanog borca u Brčko distriktu BiH.

Šef Odjeljenja za zdravstvo i ostale usluge Vlade Brčko distrikta BiH Akif Pezerović kazao je da je za obje kategorije izdvojeno po 600.000 KM. „U okviru svake od ovih kategorija postoje i tri potkategorije i riječ je o doznaci jednakih sredstava u iznosu od po 200.000 KM za udruženja proistekla iz prošlog rata (Armija RBiH, HVO i Vojska RS)”, kazao je Pezerović.

On je naglasio da su usvojenim odlukama utvrđeni i kriteriji za izbor korisnika prava što, kako je kazao, podrazumijeva pomoć u rješavanju stambenog pitanja u smislu nove gradnje, nadogradnje, sanacije i završetka gradnje stambenog objekta na području Brčko distrikta BiH. „Ove odluke nisu ništa novo u odnosu na prošlu i preprošlu godinu. Kada je u pitanju prva odluka ona se odnosi na jednokratnu novčanu pomoć u slučaju potpune nove izgradnje stambenog objekta u

maksimalnom iznosu do 33.000 KM po korisniku. Sredstva za pomoć za nadogradnju, sanaciju ili završetak gradnje stambenog objekta dodjeljuju se do iznosa potrebnog za postizanje potpunog stambenog zbrinjavanja, a prioritet za dodjelu pomoći imaju podnosioci zahtjeva koji nikada nisu koristili sredstva za stambeno zbrinjavanje. Kada je u pitanju druga usvojena odluka za potrebe nove gradnje stambenog objekta predviđen maksimalni iznos je do 15.000 KM po korisniku, dok je za pomoć za nadogradnju, sanaciju ili završetak gradnje stambenog objekta predviđeno maksimalno 10.000 KM po jednom korisniku”, istakao je Pezerović dodajući da je obaveza svih lica koja budu dobila sredstva da u roku od devet mjeseci od dana dozvane na njihov tekući račun utroše sredstva u svrhu za koju su i dobili, te da u roku od 30 dana izvijeste Odjeljenje za zdravstvo i ostale usluge o tom utrošku.

On je naglasio da je zbog epidemiološke situacije na području Distrikta predloženo da se operativni dio na terenu odgodi do proljeća, a da se sredstva rezervišu s datumom 31. 12. 2020. Godine.

„Također, mi ćemo u toku dana objaviti i javni poziv koji će biti istaknut na oglasnoj ploči zgrade Vlade, u prostorijama Odjeljenja za raseljena lica, izbjeglice i stambena pitanja kao i udruženja proisteklih iz prošlog rata”, kazao je Pezerović.

# Usvojen Program mjera za pomoć gospodarskim subjektima

Vlada Brčko distrikta BiH na 129. izvanrednoj sjednici usvojila je Program mjera za pomoć gospodarskim subjektima u Brčko distriktu BiH u svezi sa zabranom rada zbog pandemije izazvane koronavirusom.

Ovaj Program odnosi se na finansijsku pomoć poduzećima, poduzetnicima i poslovnim jedinicama kojima je naredbom Stožera za zaštitu i spašavanje Brčko distrikta BiH rad zabranjen od 22. studenog 2020. godine, kada je od 22.00 sata nastupio i policijski sat na području Distrikta.

Djelatnici koji su obuhvaćeni ovim Programom su hoteli i sličan smještaj, ostali smještaj, gradski i

prigradski kopneni prijevoz putnika, ostali kopneni prijevoz putnika (d. n), djelatnost restorana i ostalih objekata za pripremu i usluživanje hrane, djelatnosti pripreme i usluživanja pića, djelatnosti kockanja i klađenja i fitness centri.

Korisnici ovoga Programa koji ispunjavaju uvjete i kriterije imat će pravo na nadoknadu brutoplaća u visini isplaćenih brutoplaća u listopadu 2020. godine.

Visina sredstava za subvenciju nadoknade isplaćene brutoplaće u razdoblju zabrane utvrdit će se na temelju zaprimljenih zahtjeva po javnom pozivu po ovom Programu razmjerno broju dana trajanja zabrane rada.

## Усвојена одлука о одобравању програма самозапошљавања у пољопривреди у 2020. години

Влада Брчко дистрикта БиХ на 130. vanrednoj sjednici usvojila је Одлуку о одобравању програма самозапошљавања у пољопривреди на подручју Брчко дистрикта БиХ у 2020. години.

Шеф Одјељења за пољопривреду, шумарство и водопривреду Владе Брчко дистрикта БиХ Переца Бургић казао је да је сврха Програма самозапошљавања у пољопривреди допринос развоју пољопривреде Дистrikta у виду финансијске подршке за лица која желе започети или су започела пољoprivrednu производњу кроз стварање услова за самозапошљавање лица која се налазе на евиденцији Завода за запошљавање Брчко дистрикта БиХ и лица која су регистровала пословну дјелатност у 2020. години на подручју Дистrikta с тим, како је казао, да су се прије регистрације пословне дјелатности лица

водила на евиденцији која активно траже запослење у Заводу.

„За реализацију Програма обезбијећен је износ средstava od 500.000,00 KM и износ по једном пројекту за апликанте не може бити већи од 20.000,00 KM. Око 25 нових пољопривредних производића ће своје бизнис планове подносити, комисије ће оцењивати, а након тога средства ће добити како би почели са својим бизнисом. Такође, вршиће се обуке и надамо се да ће до јуна мјесеца идуће године све бити завршено. Критеријуми су скоро исти као и за 2019. годину с тим што ће сада предност имати људи који су на Заводу млађи од 30 година. Надамо се да ће Завод ускоро прихватити ова средства која ће бити пребачена из Одјељења за пољопривреду и сву другу активност ће даље Завод да спроводи, од јавних позива па надаље”, казао је Бургић.

# Štab donio Naredbu o početku nastave u školama i radu ugostiteljskih objekata

*Štab zadužio Odjeljenje za obrazovanje da organizuje nastavu u srednjim školama na način da se redukuje u smjenama na sedmičnom nivou, koje bi pohađalo 50% učenika jednog odjeljenja.*

Štab za zaštitu i spašavanje Brčko distrikta BiH na sjednici donio je Naredbu da nastava u svim osnovnim i srednjim školama na području Brčko distrikta BiH počinje u ponedeljak, 7. 12. 2020. godine.

Šef Odjeljenja za zdravstvo i ostale usluge Akif Pezerović kazao je da je Štab zadužio Odjeljenje za obrazovanje da organizuje nastavu u srednjim školama na način da se redukuje u smjenama na sedmičnom nivou, koje bi pohađalo 50% učenika jednog odjeljenja.

„To znači da svi oni razredi u srednjim školama koji imaju iznad 15 učenika podijeli bi se na dva razreda. Također, zadužen je i Inspektorat da vrši pojačanu kontrolu poštovanja epidemioloških mjera i Protokola i uslova za početak odvijanja nastave u svim osnovnim i srednjim školama“, istakao je Pezerović.

Na današnjoj sjednici Štab je donio i naredbu gdje se od 7. 12. 2020. godine do 19.00 sati odobrava obavljanje ugostiteljske djelatnosti na području Brčko distrikta BiH, rad sportskih kladionica, kockarnica i drugih priređivanja igara na sreću, teretana, fitnes centara, škole sporta, rekreativne aktivnosti koje se obavljaju u zatvorenom prostoru kao i javni linijski prevoz putnika u prigradsko-gradskom saobraćaju. Ovom naredbom Štab je zadužio Inspektorat da vrši pojačanu kontrolu poštovanja mjera i naredbi Štaba za zaštitu i spašavanje u ugostiteljskim objektima, a sve s ciljem sprečavanja širenja zaraze korona virusa – COVID-19.

Štab je zadržao naredbu policijskog sata gdje se zabranjuje kretanje u periodu od 22.00 do 5.00 sati. Ovom naredbom izuzimaju se svi zaposleni koji vrše službene dužnosti ili su uključeni u provođenje mjera i aktivnosti u vezi s proglašenjem stanja prirodne nesreće zbog korona virusa, kao i zaposleni u pravnim licima u kojima se radi kontinuiteta proizvodnje rad odvija u smjenama.

Pezerović je na konferenciji za medije izjavio da je epidemiološka situacija i dalje loša, ali da su, ipak, primjetni određeni trendovi poboljšanja.

„To se prije svega odnosi na smanjenje pacijenata u našem zdravstvu, ali i na lagano smanjenje zaraženih. Apelujem još jednom na pridržavanje svega onoga što je naloženo od strane Štaba, jer ukoliko se situacija zadrži ili krene u dodatno pogoršanje, morat ćemo opet vratiti mjere, što nikome nije u interesu“, kazao je Pezerović.

# Vlada o nabavci vakcina za sprečavanje COVID-19

Vlada Brčko distrikta BiH na 133. vanrednoj sjednici primila je k znanju Informaciju o Sporazumu o međusobnim pravima i obavezama u vezi s nabavkom vakcina putem mehanizma za globalni pristup vakcini za sprečavanje COVID-19 (COVAX).

Vlada je usvojila i zaključak kojim se daje i saglasnost Odjeljenju za zdravstvo i ostale usluge na plaćanje preostalog dijela ugovorene obaveze u iznosu od 462.589,56 KM kako bi se omogućilo provođenje Ugovora o nabavci vakcina putem Instrumenta COVAX.

Za realizaciju navedenog zaključka zadužuju se Odjeljenje za zdravstvo i ostale usluge i Direkcija za finansije Brčko distrikta BiH.

Odjeljenje za zdravstvo i ostale usluge 15. 9. 2020. godine potpisalo je Sporazum kojim se Brčko distrikt BiH obavezao da osigura potrebna novčana sredstva za realizaciju predmetnog sporazuma za što je Skupština Brčko distrikta BiH izdvojila 558.430,57 KM za 32.000 doza vakcina namijenjenih za 16.000 stanovnika, a svaki od njih primit će po dvije doze.



## Epidemiološke mjere ostaju na snazi do 10. siječnja

Stožer za zaštitu i spašavanje Brčko distrikta BiH donio je danas naredbu kojom aktualne mjere na području Distrikta zbog COVID-19 ostaju na snazi do 10. 1. 2021. godine uključujući i radno vrijeme ugostiteljskih objekata i policijski sat.

Zabranjuje se kretanje osobama na području Brčko distrikta BiH u razdoblju od 22.00 do 5.00 sati. Od ove mjere izuzimaju se svi zaposlenici koji vrše službene dužnosti ili su uključeni u provedbu mjeru i aktivnosti u svezi s proglašenjem stanja prirodne nesreće zbog koronavirusa kao i zaposlenici u pravnim osobama u kojima se radi kontinuiteta

proizvodnje rad odvija u smjenama.

Rad ugostiteljskih objekta na temelju odluke Stožera za zaštitu i spašavanje i dalje je do 19.00 sati kao i rad sportskih kladiionica, kockarnica i drugih priređivanja igara na sreću te teretana, fitness-centara, škola športa i rekreativnih aktivnosti koji se obavlja u zatvorenom prostoru.

Kada je riječ o radu škola, prvo polugodište školske 2020./2021. godine završava se 18. 12. 2020. godine, a drugo polugodište počinje nakon zimskog odmora, 11. 1. 2021. godine, osim ako zbog epidemiološke situacije ne dođe do promjene.

# Објављен тендер за реконструкцију платоа у ЈП „Лука Брчко“

„На званичној интернет страници Европске банке за обнову и развој (ЕБРД) објављен је тендер који се односи на реконструкцију платоа на оперативној обали у ЈП „Лука Брчко“ у вриједности од 960.000 евра“, изјавио је предсједник Јединице за имплементацију пројекта „Лука Брчко“ Перо Гудељевић. Ријеч је о стратешком пројекту модернизације Луке укупне вриједности 10 милиона евра.

Међународни тендери за реконструкцију платоа отворен је до 26. 1. 2021. године и финансира се из кредита ЕБРД. У наредних неколико дана очекује се и објављивање тендера за набавку лучке дизалице чија је процјењена вриједност три милиона евра, а средства су обезбијђена грантом из Европске уније. Тендери за остале радове у оквиру овог пројекта биће објављен у првом кварталу 2021. године, до када би требало да буде прилагођена просторнопланска документација Брчко дистрикта БиХ с циљем добијања грађевинске дозволе.



# Esed Kadrić novi gradonačelnik, Siniša Milić predsjednik Skupštine

Skupština Brčko distrikta BiH održala je konstitutivnu sjednicu na kojoj su zakletve položili poslanici u novom sazivu Skupštine, te su izabrani predsjednik Skupštine Brčko distrikta BiH, njegov zamjenik i gradonačelnik Brčko distrikta BiH.

Za predsjednika Skupštine izabran je Siniša Milić (SNSD), za zamjenika predsjednika Ivo Filipović (HDZ), a novi gradonačelnik Brčko distrikta BiH je Esed Kadrić (SDA).

Gradonačelnik Esed Kadrić najavio je da će sljedeća godina biti godina velikih reformi u Brčkom u institucionalnom smislu i godina priprema za realizaciju velikih značajnih infrastrukturnih projekata te da slijedi izazovan period za novi saziv Vlade.

„Neophodno je istaći da će nova Vlada u saradnji s parlamentarnom većinom već od sutra intenzivno raditi na pripremi novog budžeta za 2021. godinu sa svim elementima koji moraju odgovoriti na negativne posljedice pandemije korona virusa. U svemu vidimo veliku šansu za javno investiranje koje će nadomjestiti trenutnu krizu u kojoj se nalazimo”, rekao je Kadrić.

On je dodao da je svesrdna podrška supervizora Scaplana neophodna kako bi se pristupilo saradnji s međunarodnim finansijskim institucijama i realizaciji velikih infrastrukturnih projekata.

„Ulazimo u jedan ozbiljan proces reforme javne uprave koji se također radi s određenim konsultantskim agencijama iz međunarodne zajednice, a sve s ciljem što efikasnije i optimalnije javne uprave. Zakon o javnoj upravi će dati snažniju nadležnost odjeljenjima Vlade nad javnim preduzećima”, istakao je Kadrić.

Gradonačelnik je najavio da će učiniti sve da se u potpunosti osiguraju sredstva za realizaciju Gradskog stadiona i intenzivno raditi na stvaranju uslova da se kroz usvajanje regulacionih planova omogući nastavak izgradnje pješačke gradske zone.



Connecting...

On je naveo da su optimalni planovi da Brčko dobije novu Vladu u punom kapacitetu do 20. januara uvažavajući i rok za veto na imenovanja.

„Prva sjednica Vlade će biti održana sa značajnim dnevnim redom koji će biti usaglašavan i sa Uredom supervizora. Već od sutra tražit ću od političkih stranaka da predlože kandidate za buduće članove Vlade”, zaključio je Kadrić.

Predsjednik Skupštine Brčko distrikta BiH Siniša Milić izrazio je zadovoljstvo zbog konstituisanja Skupštine Brčko distrikta BiH u skladu s izbornim rezultatima u relativno kratkom vremenu i postignutim dogовором за izbor čelnih ljudi u Brčkom.

„Ovo je važno iz razloga što smo suočeni s jednom ozbiljnom situacijom koju je prouzrokovala ekspanzija epidemije virusa korona koja se odražava ne samo na zdravlje stanovništva nego i na privredu i druge društvene tokove. Iz tog razloga moramo da imamo što prije konstituisane izabrane organe vlasti kako bi se mogli uhvatiti ukoštač s tim problemima”, rekao je predsjednik Milić.

On je kao prioritet naveo i usvajanje budžeta za 2021. godinu kao i niza zakona koji su u prethodnom periodu pripremljeni, a koji su sistemskog karaktera poput Zakona o javnoj upravi, Nacista zakona o sukobu interesa i nizu drugih propisa.

„Ono što je suštinski važno jeste da u ovom parlamentu koji je demokratska i krovna institucija koja bira i razrješava nosioce drugih funkcija i koja ima finansijsku i zakonodavnu nadležnost budemo na visini zadatka i da pokažemo demokratski kapacitet. U ovoj skupštini su zastupljeni i predstavnici nacionalnih manjina, opozicije i svi oni koji na neki način izražavaju volju građana. Zato je potrebno da osiguramo, prije svega, poštovanje procedura jer se demokratski karakter oslikava kroz demokratske procedure i jednaku mogućnost učešća svih poslanika u donošenju kvalitetnih odluka”, naglasio je Milić.

On je naveo da je sljedeći korak imenovanje skupštinskih komisija, kao radnih tijela koja su neophodna u procesu rada Skupštine i dodao da je realno za očekivati da bi prva radna sjednica Skupštine mogla biti održana između 15. i 20. januara.

# Vladi Distrikta uručeno priznanje za obezbjedenje prostora za mlade i rad s mladima



Glavnom koordinatoru Vlade Brčko distrikta BiH Seadu Šadiću danas su predstavnici Vijeća mlađih Federacije BiH, Omladinskog savjeta mlađih Republike Srpske i Vijeća mlađih Brčko distrikta BiH koji su učestvovali u realizaciji projekta „Fakat je vakat za mlađe“ uručili priznanje Vladi Brčko distrikta BiH za obezbjedenje prostora za mlađe i rad s mlađim u Brčko distriktu BiH.

Šadić je naglasio da će Vlada nastaviti i dalje saradivati s mlađima u rješavanju njihovih problema.

„Kada govorimo o rezultatima rada Vlade možemo se prije svega bazirati na činjenicu četverogodišnjem radu našeg kolege iz Vlade Distrikta Srđana Blažića jer je u proteklom periodu dao veliki doprinos da se mnoge stvari uspešno završe kao što je Zakon o mlađima, izrada strategije vezane za mlađe, formiranje Vijeća mlađih, obezbjedenje adekvatnog prostora za ovo vijeće u sklopu Omladinskog centra na osnovu čega je i ovo naše krovno tijelo u našoj lokalnoj zajednici i nagrađeno”, kazao je Šadić.

On je podsjetio i da je prilikom preuzimanja funkcije gradonačelnika Brčko distrikta BiH Esed Kadrić istakao važnost mlađih te da tom

najavom u narednom periodu očekuje i rješavanje ostale problematike mlađih ljudi.

Nedim Alibegović, generalni sekretar Vijeća mlađih Federacije BiH, kazao je da je Vladi Brčko distrikta BiH uručeno priznanje za sve napore koji su uloženi u 2019. godini te naglasio da je Brčko ujedno i pozitivan primjer svim drugim lokalnim zajednicama u BiH.

„Zaista, Brčko je imalo dosta pozitivnih npora, posebno u toj godini gdje je i odlučeno da mu se dodijeli priznanje. Brčko je pozitivan primjer svim drugim lokalnim zajednicama u BiH”, kazao je Alibegović.

Harun Šabanović, predsjednik Vijeća mlađih Brčko distrikta BiH, kazao je da priznanje koje su dobili predstavlja dodatni vjetar u leđa, ali i signal da se rad treba nastaviti i na drugim poljima.

„Prije svega tu mislim na zapošljavanje mlađih, izradu strategije i njeno aktivno provođenje, a sve s ciljem poboljšanja standarda kvaliteta života mlađih ljudi. To je ono u čemu ćemo raditi zajedno u saradnji s institucijama vlasti Distrikta”, istakao je Šabanović.

Današnjem uručenju priznanja prisustvovala je i savjetnica gradonačelnika Brčko distrikta BiH Admirna Ramić kao i predstavnik Savjeta mlađih Republike Srpske.

# Gradonačelnik Kadrić upriličio prijem za predstavnike medija

Gradonačelnik Brčko distrikta BiH Esed Kadrić je upriličio tradicionalni novogodišnji prijem za predstavnike medija koji djeluju i rade u Brčkom.

Gradonačelnik je istakao da je ovo prilika za izvjesnu analizu aktivnosti koje su provođene tokom kalendarske godine, analizu dobre saradnje s medijima i utvrđivanje zajedničkih planova za godinu koja dolazi.

„Mislim da smo imali u ovoj godini, i Vlada i Skupština, dobru saradnju s novinarima u Distriktu. Imali smo objektivno izvještavanje i smatram da će to biti dobar temelj za narednu godinu, koja će biti jako važna za Distrikt. Imamo izvjesne najave da će se procesi pokrenuti naprijed, da će biti i značajnijih reformi i tu će nam trebati podrška medija u Brčkom u smislu kvalitetnijeg obavještavanja i objašnjavanja brčanskoj javnosti da je neophodno da pristupimo određenim reformama koje će biti na korist zajednici u decenijima koje dolaze”, istakao je Kadrić.



Gradonačelnik je kazao da brčanski mediji imaju vrlo objektivan i izbalansiran pristup u izvještavanju. Posebno je istakao značaj vrijednosti informacija koje se iznose, a imaju kvalitet istinitosti.

„Ovo je trenutak u kojem se nalazimo, trenutak velikog iskušenja s pandemijom i generalno negativne slike i depresije koja vlada u zajednici. Bilo bi jako korisno za opće stanje da se malo više promovišu dobre i pozitivne priče i da im se da na značaju i vrijednosti. Trebamo svi skupa da radimo na polju promocije vrijednosti, promocije vrijednih i humanih ljudi, humanih akcija, a ne na promociji onoga što ne zavrijeđuje pažnju”, zaključio je Kadrić.



# Gradonačelnik Kadrić sumirao rad u 2020. godini i najavio nove projekte

Gradonačelnik Brčko distrikta BiH Esed Kadrić održao je godišnju konferenciju za medije na kojoj je sumirao rad na kraju kalendarske godine, ali i najavio nove projekte i zakonska rješenja koji će biti prioritetni u radu nove Vlade.

## Formiranje nove Vlade

Gradonačelnik Kadrić istakao je da je nakon održanih izbora u Brčkom veoma brzo konstituisana vlast i najavio da će danas biti imenovana i nova Vlada.

„Do kraja dana ćemo biti u prilici da budu imenovani svi članovi Vlade sa željom da do 15. januara proteknu rokovi za eventualno ulaganje veta kako bismo imali Vladu operativnu već do 20. januara, s ciljem da što hitnije pristupimo usvajanju budžeta za 2021. godinu“, istakao je gradonačelnik Kadrić.

## Godinu na izmaku obilježila pandemija korona virusa

On je, govoreći o godini koja je na izmaku, istakao da je pandemija korona virusa nešto s čim smo se borili skoro cijele godine.

„Deset mjeseci Vlada Distrikta suočava se s izazovom pandemije. Ono što mi kao lokalna zajednica možemo istaći je da smo bili veoma angažovani. Govoreći s mjesta bivšeg predsjednika Skupštine itekako smo bili podrška Vladi. Među prvima smo donijeli Zakon o ublažavanju negativnih ekonomskih posljedica epidemije. Prema podacima Direkcije za finansije do sada se u Brčko distriktu BiH po ovom osnovu iz budžetskih sredstava potrošilo 14.484.346 KM, i to za subvencije za pomoć privredi s ciljem očuvanja radnih mesta 8.416.981 KM, za nabavku medicinske opreme, testova, dezinfekcionih sredstava, zaštitne opreme i sl. 5.519.484 KM, a uplatili smo avansnih sredstava za nabavku vakcina u iznosu od 547.881 KM“, rekao je



gradonačelnik.

Gradonačelnik Kadrić je istakao da će, bez obzira na sve teškoće, Brčko distrikt BiH završiti fiskalnu godinu bez minusa i imati dobru osnovu za narednu godinu i kreiranje budžeta koji će nastaviti ulagati u privredu i osnažiti sektor zdravstva.

## Pokrenuti veliki projekat rekonstrukcije Luke Brčko i saradnja sa SCO Grupacijom

„Uz sve izazove u protekloj godini pokrenuli smo određene infrastrukturne projekte. Raspisan je tender za rekonstrukciju manipulativnog platoa u vrijednosti oko 2.000.000 KM u Luci Brčko i nastavljamo s projektima koji se vežu za rekonstrukciju Luke“, istakao je gradonačelnik Kadrić. On je naveo i da se pristupilo angažmanu na realizaciji prvog dijela obaveza preuzetih iz Memoranduma sa SCO Grupacijom. „U ovom trenutku je u postupku procedura koja će omogućiti da se u bivšoj McGovern bazi omogući izgradnja slobodne ekonomске zone što je dobra prepostavka za ozbiljniji privredni razvoj već početkom naredne godine i što će stvoriti uslove da se stvari u privrednom smislu pokrenu naprijed“, dodao je Kadrić.

## Zakonska rješenja i realizovani projekti

Govoreći o zakonskim rješenjima koja su usvojena u 2020. godini gradonačelnik Kadrić je naveo kao vrlo značajne Zakon o radu Brčko distrikta BiH, Zakon o nacionalnim manjinama Brčko distrikta BiH, Zakon o udruženjima i fondacijama Brčko distrikta BiH i najavio hitno pristupanje usvajanju Zakona o igrama na sreću Brčko distrikta BiH.

„Neophodno je oporezovati one igre koje nisu oporezovane. Posljednji put taj zakon je donesen 2004. godine i kroz ovaj vid ćemo osigurati dodatni prihod Distriktu.“

Nikad nismo doveli u pitanje isplatu socijalnih davanja bilo o kojem vidu da se radi, od materinskog dodatka, dječjeg dodatka, socijalne pomoći, pomoći penzionerima, stipendija studentima, boračkim kategorijama i drugo. Namjera je da taj nivo podrške održimo i trebaju nam dodatni lokalni prihodi, a koji neće zadirati u džep srednje klase”, pojasnio je gradonačelnik.

Kadrić je podsjetio da je prethodna Vlada u protekloj godini usvojila i Registar zaposlenih i imenovanih lica u Brčkom čime je građanima stavljen na uvid kolika su primanja iz budžeta. „Što se tiče dodatnog angažmana, JP 'Putevi Brčko' je izvršilo rehabilitaciju nekoliko dionica magistralnih i regionalnih cesta u vrijednosti od 2,6 miliona KM, izgradili smo obdanište na Ilički, gradimo nekoliko sportskih dvorana na Brodu, Omerbegovači i Poljoprivrednoj i medicinskoj školi. Rekonstruisana su korita rijeke Brke i Blizne, a jutros smo donijeli odluku da JZU 'Zdravstveni centar Brčko' nabavi dodatnih pet respiratora za potrebe pacijenata u Brčkom”, istakao je brčanski gradonačelnik.

### Prioriteti nove Vlade

Gradonačelnik Brčko distrikta BiH Esed Kadrić najavio je djelovanje nove Vlade u nekoliko pravaca. On je naveo da su ciljevi hitna izmjena određenog seta zakona, ozbiljna priprema i realizacija velikih infrastrukturnih projekata te administrativna podrška privatnim poslovnim inicijativama.

„Čim Vlada bude u funkciji stavit ćemo na dnevni red i uputiti prema Skupštini već spomenut Zakon o igrama na sreću kao i Zakon o javnoj imovini, koji su pripremljeni. Važan je i Zakon o obnovljivim izvorima energije koji ima za cilj očuvanje životne sredine”, istakao je Kadrić.

Kada su u pitanju veliki infrastrukturni projekti, naveo je da će učiniti sve da ubijedi koalicione partnera da se već u ovom budžetu osigura 14 miliona KM za okončanje izgradnje Gradskog stadiona, za šta, kako je naveo, postoji sva neophodna dokumentacija.

„Jako je važno da pristupimo izradi prostorno-planske dokumentacije koja će omogućiti okončanje centralne pješačke zone, do Katoličke crkve. U pregovorima smo sa EBRD-om i Svjetskom bankom da radimo velike projekte koji su neophodni gradu, poput izgradnje Centra za upravljanje čvrstim otpadom za koji smo donijeli odluku u prošloj godini, da bude na lokaciji Kladja. Značajan je projekat Transportnog cjevovoda od

Fabrike vode trasom zaobilaznice, kako bismo omogućili svim građanima da dođu do kvalitetne pitke vode. Pristupit ćemo i naporima da se rekonstruiše cjelokupna sekundarna vodovodna mreža u gradu i pokrene projekat izgradnje Sistema za prečišćavanje otpadnih voda. S tim u vezi ćemo vrlo brzo staviti u funkciju Jedinicu za implementaciju međunarodnih projekata u okviru Razvojno-garantnog fonda Brčko distrikta BiH”, kazao je gradonačelnik.

On je istakao i značaj uređenja obale rijeke Save i usvajanja regulacionog plana Ficibajera kako bi se pristupilo implementaciji važnog projekta multifunkcionalne gradske dvorane koja će podrazumijevati i zatvoreni bazen. Gradonačelnik je dodao da će nova Vlada biti angažovana i na restauraciji kulturno-historijskih objekata i objekata od ambijentalnog značaja u centralnoj gradskoj zoni i Srpskoj Varoši.

„Za realizaciju svih ovih projekata na kojima ćemo raditi u naredne četiri godine bit će nam potreban posvećen rad, stabilna politička situacija i podrška javnosti. Nači ćemo načina da se potrebe svih građana jednakost tretiraju i da ravnomjerno ulažemo na prostoru cijelog Distrikta”, zaključio je Kadrić.





# INFO

Kancelarija gradonačelnika, Sekretariat Vlade Brčko distrikta BiH,  
Sektor za informisanje Vlade Brčko distrikta BiH  
Bulevar mira 1, 76100 Brčko distrikt BiH

[vlada.bdcentral.net](http://vlada.bdcentral.net)